

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 415846 22 St 2
Tuzla, 08.11.2022.godine

Općinski sud u Tuzli, sudija Antonela Đaković, kao stečajni sudija u stečajnom postupku nad stečajnim dužnikom „NAŠE PILE“ d.o.o. za proizvodnju i promet roba i usluga, export-import Živinice, Pašage Gogića broj 37, koje u svom sastavu ima podružnicu pod nazivom: „NAŠE PILE“ d.o.o. za proizvodnju i promet roba i usluga, export-import Živinice Podružnica broj 1. ul. Pašage Gogića 37 B, nakon provedenog stečajnog postupka donio je dana 08.11.2022.godine slijedeće

R J E Š E N J E

OTVARA SE stečajni postupak nad imovinom dužnika „NAŠE PILE“ d.o.o. za proizvodnju i promet roba i usluga, export-import Živinice, Pašage Gogića broj 37, koje u svom sastavu ima podružnicu pod nazivom: „NAŠE PILE“ d.o.o. za proizvodnju i promet roba i usluga, export-import Živinice Podružnica broj 1. ul. Pašage Gogića 37 B, matični broj subjekta 32-01-0173-18, JIB: 4210336850001, račun broj: 1404011120041035 otvoren kod Sberbank BiH d.d. Sarajevo.

Za stečajnog upravnika imenuje se Maja Musemić iz Tuzle, ul. Maršala Tita br.60.

ZAKLJUČUJE SE stečajni postupak nad imovinom dužnika „NAŠE PILE“ d.o.o. za proizvodnju i promet roba i usluga, export-import Živinice, Pašage Gogića broj 37, koje u svom sastavu ima podružnicu pod nazivom: „NAŠE PILE“ d.o.o. za proizvodnju i promet roba i usluga, export-import Živinice Podružnica broj 1. ul. Pašage Gogića 37 B, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, web stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj: 32 0 St 415846 22 St 2 od 22.06.2022. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „NAŠE PILE“ d.o.o. za proizvodnju i promet roba i usluga, export-import Živinice, Pašage Gogića broj 37, koje u svom sastavu ima podružnicu pod nazivom: „NAŠE PILE“ d.o.o. za proizvodnju i promet roba i usluga, export-import Živinice Podružnica broj 1. ul. Pašage Gogića 37 B, a za privremenog stečajnog upravnika imenovana je Maja Musemić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je Izvještaj o provedenom prethodnom postupku ovom sudu dana 19.07.2022.godine. Iz izvještaja privremenog stečajnog upravnika proizilazi da društvo osnovano 20.06.2018.godine, osnivač i direktor je Alma Džananović, registrovano je za trgovinu na veliko mesom i mesnim proizvodima, te da je u posljednje tri

godine imalo poteškoća u poslovanju, kako zbog bolesti direktora tako i zbog pandemije COVID 19. Društvo nema zaposlenih radnika, niti posjeduje pokretnu i nepokretnu imovinu, račun društva kod Sberbank je blokiran, a društvo ima obaveza prema UIO BiH, RC Tuzla.

Dakle, privremeni stečajni upravnik je utvrdio da postoji stečajni razlog predviđen članom 6. stav 2. i članom 102. Zakona o stečaju FBiH, ali da stečajni dužnik ne raspolaže imovinom koja bi pokrila troškove stečajnog postupka.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 20.09.2022.godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 1.800,00 KM na ime otvaranja stečajnog postupka, iz kojeg predumljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 79/22 dana 05.10.2022. godine, oglasnoj tabli suda dana 21.09.2022. godine i na web stranici suda. Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu preduma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, web stranici suda, Službenim novinama F BiH, te dostaviti za FIA-i, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju FBiH.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija
Antonela Đaković

POUKA O PRAVNOM LIJEKU: Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama FBiH.